

般若波羅蜜多心經迴遮儀軌

皈依發心 (三遍)

諸佛正法菩薩賢聖僧，直至菩提自他竟皈依；
爲利一切如母諸有情，願證諸佛般若究竟義。

稱念聖號 (三遍)

南無本師釋迦牟尼如來、應供、正遍知、明行足、善逝、

世間解、無上士、調御丈夫、天人師、佛、世尊。

南無大悲觀世音菩薩。

南無般若會上佛菩薩。

念誦心經 (三遍) (A—B—C—B—C—B—C)

A 禮讚文

無可言思般若度，不生不滅虛空體；

各別自證智行境，三世佛母我敬禮。

敬禮十方三世一切諸佛。

B 般若波羅蜜多心經

觀自在菩薩，行深般若波羅蜜多時，照見五蘊皆空，度一切苦厄。舍利子！色不異空，空不異色；色即是空，空即是色。受想行識，亦復如是。舍利子！是諸法空相：不生不滅，不垢不淨，不增不減。是故空中無色，無受想行識。無眼耳鼻舌身意，無色聲香味觸法。無眼界，乃至無意識界。無無明，亦無無明盡；乃至無老死，亦無老死盡。無苦集滅道。無智亦無得。以無所得故，菩提薩埵，依般若波羅蜜多故，心無罣礙，無罣礙故，無有恐怖，遠離顛倒夢想，究竟涅槃。三世諸佛，依般若波羅蜜多故，得阿耨多羅三藐三菩提。故知般若波羅蜜多，是大神咒，是大明咒，是無上咒，是無等等咒，能除一切苦，真實不虛。故說般若波羅蜜多咒，即說咒曰：揭諦揭諦，波羅揭諦，波羅揭諦，波羅僧揭諦，菩提薩婆訶。

C 持咒 (盡量多持，越多越好)

達雅塔 喻_母 嚶得_世 嚶得_世 巴日_阿 嚶得_世 巴日_阿 桑嚶得_世 博底梭哈

依心經遣除違緣法

(三遍) (南無↓1—南無↓2—南無↓3)

南無敬禮師，敬禮佛，敬禮法，敬禮僧，
敬禮大佛母般若波羅蜜多。

我之一切真實語，當願成就。

如昔時天王帝釋思惟大佛母甚深般若波羅蜜多義，

依止念誦，而遣除魔王波旬等一切違緣；

如是我亦思惟大佛母甚深般若波羅蜜多義，依止念誦。

魔王波旬等一切違緣，

願皆遣除(擊掌)↓1—↓2—

願成無有(擊掌)，願成寂滅(擊掌)，願極寂滅(擊掌)。

不生亦不滅，不常亦不斷。

不來亦不去，不一亦不異。

能說是因緣，善滅諸戲論。

我稽首禮佛。↓3—

以上(A—B—C—B—C—B—C)+(南無↓1—南無↓2—南無↓3)(九遍)

吉祥文

(一遍)

平息八萬魔部類，違逆害緣皆遠離，
順緣成就且圓滿，願此吉祥如意成。

迴向文

(一遍)

願以此功德，普及於一切；
我等與眾生，皆共成佛道。

殊勝菩提心妙寶，未生起者令生起；
已生起者不退轉，祈願輾轉更增上。

願我所修勝功德，速證般若大佛母；
及一眾生悉無餘，悉皆成就彼尊地。

晝吉祥、夜吉祥，上師三寶加持大吉祥；
諸瑜伽者皆吉祥，一切有情願吉祥！

願善妙增長！